

ԿԱՐԵՎՈՐ ԴԵՊՔԵՐԻ ԺԱՄԱՆԱԿԱԳՐՈՒԹՅՈՒՆ

1 9 1 7

25 հոկտեմբերի¹ — Ռուսաստանում հաղթանակում է Հոկտեմբերյան սոցիալիստական մեծ հեղափոխությունը:

— Պետրոգրադում բացվում է Սովետների համառուսաստանյան երկրորդ համագումարը, որը հաստատում է դեկրետներ հաշտության և հողի վերաբերյալ ու կազմում աշխարհում առաջին բանվորա-գյուղացիական կառավարությունը՝ Վ. Ի. Լենինի գլխավորությամբ:

3—24 նոյեմբերի — Կարսում, Ղարաբախում, Ալեքսանդրապոլում, Սարիզամիշում, Ջալալօղլիում, Երևանում և այլ վայրերում տեղի են ունենում զինվորների և աշխատավորների բազմամարդ միտինգներ, որոնք ողջունում են Հոկտեմբերյան հեղափոխության հաղթանակը և որոշումներ ընդունում Անդրկովկասում ևս սովետական իշխանություն հաստատելու մասին:

15 նոյեմբերի — Անդրկովկասյան հատուկ կոմիտեի՝ Օդակոմի փոխարեն Թիֆլիսում կազմվում է հակահեղափոխական կառավարության նոր օրգան՝ անդրկովկասյան կոմիսարիատը:

10 դեկտեմբերի — Թիֆլիսում բացվում է կովկասյան բանակի երկրային երկրորդ համագումարը, որը որոշում է ընդունում Կովկասում անհապաղ սովետական իշխանություն ստեղծելու մասին:

16 դեկտեմբերի — Սովետական Ռուսաստանի Ժողկոմսովետը Վ. Ի. Լենինի նախագահությամբ որոշում է Բաքվի սովետի նախագահ Ստ. Շահումյանին նշանակել Կովկասի գործերի ժամանակավոր արտակարգ կոմիսար:

29 դեկտեմբերի — Սովետական Ռուսաստանի Ժողկոմսովետը դեկրետ է ընդունում «Թուրքահայաստանի» մասին:

Դեկտեմբեր — Սովետական Ռուսաստանի ազգությունների գործերի Ժողովրդական կոմիսարիատին կից Մոսկվայում ստեղծվում է հայկական գործերի կոմիսարիատ, որի կոմիսար է նշանակվում ականավոր պետական գործիչ Վառլամ Ավանեսովը, իսկ տեղակալ՝ կոմունիստ-բանաստեղծ Վահան Տերյանը:

¹ Մինչև 1918 թ. փետրվարը ամսաթվերը տրվում են հին տոմարով:

1918

2 հունվարի — Կովկասյան բանակի ռազմա-հեղափոխական կոմիտեի նախաձեռնությամբ Սարիղամիշում կազմակերպվում է ռազմա-հեղափոխական կոմիտե:

19 հունվարի — Բաքվում լույս է տեսնում բոլշևիկյան «Բանվորի խոսք» շաբաթաթերթը:

31 հունվարի — Հրապարակվում է Կովկասի գործերի ժամանակավոր արտակարգ կոմիսար Ստ. Շահումյանի դիմումը՝ ուղղված բանվորների, զինվորների և գյուղացիների դեպուտատների բոլոր սովետներին, Կովկասի բանվորներին ու գյուղացիներին՝ Կովկասում սովետական իշխանություն ստեղծելու մասին:

10 փետրվարի — Թիֆլիսում բացվում է անդրկովկասյան սեյմը:

27 փետրվարի — Թիֆլիսում լույս է տեսնում բոլշևիկյան «Բանվոր» օրաթերթը:

3 մարտի — Կնքվում է Բրեստի պայմանագիրը:

6 մարտի — Պետրոգրադում բացվում է ՌԿ(բ)Կ VII համագումարը:

10 մարտի — Թիֆլիսում լույս է տեսնում բոլշևիկյան «Կարմիր օրեր» օրաթերթը:

12 մարտի — Թուրքական բանակը գրավում է էրզրումը:

13 ապրիլի — Սովետական Ռուսաստանի կառավարության բողոքի հռչակի թուրքական բանակի՝ դեպի Անդրկովկաս առաջ շարժվելու և խաղաղ բնակչությանը բնաջնջելու առթիվ:

14 ապրիլի — Թիֆլիսում լույս է տեսնում «Կարմիր դրոշակ» բոլշևիկյան օրաթերթը:

16 ապրիլի — Բաքվում լույս է տեսնում «Տեղեկատու» օրաթերթը՝ առաջին սովետական թերթը հայերեն:

22 ապրիլի — Անդրկովկասյան սեյմը Անդրկովկասը հայտարարում է անկախ:

25 ապրիլի — Բաքվում կազմվում է Ժողովրդական կոմիսարների սովետ Ստ. Շահումյանի գլխավորությամբ:

— Թուրքական բանակը գրավում է Կարսը:

15 մայիսի — Թուրքական բանակը գրավում է Ալեքսանդրապոլը:

22—26 մայիսի — Սարգսիսյանի հերոսամարտը:

25—28 մայիսի — Ղարաբաղի հերոսամարտը:

26—28 մայիսի — Ցրվում է անդրկովկասյան սեյմը: Վրաստանը, Ադրբեջանը և Հայաստանը հայտարարվում են անկախ հանրապետություններ:

4 հունիսի — Բաթումում Թուրքիայի և Հայոց ազգային խորհրդի պատվիրակությունների միջև կնքվում է պայմանագիր, որով Թուրքիան զավթում է Հայաստանի տերիտորիայի մեծ մասը:

22 հունիսի — Մոսկվայում լույս է տեսնում հայկական գործերի կոմիսարիատի պաշտոնական օրգան «Կոմունիստ» շաբաթաթերթը:

19 հուլիսի — Վ. Ի. Լենինի ստորագրությամբ հրապարակվում է Սովետական Ռուսաստանի կառավարության որոշումը Ռուսաստանում գոյություն ու-

նեցող հայ բուրժուա-նացիոնալիստական, հակահեղափոխական կազմակերպությունների՝ ազգային խորհուրդների, կոմիտեների, պաշտպանության խորհրդի և հայկական բուրժուական այլ կազմակերպությունների լիկվիդացման մասին:

31 հուլիսի — Բաքվում ժամանակավորապես ընկնում է սովետական իշխանությունը: Ստեղծվում է «Յենտրոկասպիի դիկտատուրան»:

20 սեպտեմբերի — Բաքվի 26 կոմունարների գնդակահարությունը անդրկասպյան ավազուտներում:

22 սեպտեմբերի — Երևանում լույս է տեսնում բոլշևիկյան «Խոսք» թերթը: Հոկտեմբեր — Գյուղացիական երկյոթներ են տեղի ունենում Նոր Բայազետի գավառի Շահրիզ, Ղշլաղ, Ղուվալի, Դարալագյազի շրջանի Մարտիրոս, Զալալօղլու շրջանի Գյառգյառ և այլ գյուղերում:

8 դեկտեմբերի — Թիֆլիսում լույս է տեսնում «Կոմունա» բոլշևիկյան թերթը հայերեն:

9—31 դեկտեմբերի — Դաշնակցականների և մենշևիկների ավանտյուրիստական քաղաքականության հետևանքով տեղի է ունենում հայ-վրացական զինված ընդհարում:

1919

9 հունվարի — Թիֆլիսում Անտանտի զինվորական գործիչների ղեկավարությամբ բացվում է դաշնակցական և մենշևիկյան կառավարությունների ներկայացուցիչների կոնֆերանս, որի որոշմամբ Լոռին հայտարարվում է «չեզոք գոտի»:

18 մարտի — Մոսկվայում բացվում է ՌԿ(Բ)Վ VIII համագումարը:

8 ապրիլի — Գործադուր են հայտարարում Երևանի երկաթուղային բանվոր-ծառայողները:

20 ապրիլի — Երևանում ձևավորվում է երիտասարդ կոմունիստների «Սպարտակ» կազմակերպությունը:

1 մայիսի — Մոսկվայում լույս է տեսնում բոլշևիկյան «Կարմիր դրոշակ» թերթը:

1 մայիսի — Երևանում լույս է տեսնում «Սպարտակ» թերթի առաջին համարը:

24 հուլիսի — Սկսվում է Երևանի պետական արհեստանոցների բանվոր-ծառայողների գործադուրը:

1 օգոստոսի — Երևանում բացվում է Հայաստանի Պառլամենտը:

Սեպտեմբեր — Երևանում տեղի է ունենում Հայաստանի բոլշևիկյան կազմակերպությունների ներկայացուցիչների անլեգալ խորհրդակցություն, որն ընտրում է ՌԿ(Բ)Վ Հայաստանի կոմիտե՝ Արմենկոմ:

30 հոկտեմբերի — Սկսվում է Ալեքսանդրապոլի տպագրատան բանվորների գործադուրը, որը տևում է մոտ մեկ ամիս:

28 նոյեմբերի — Տեղի է ունենում Երևանի երկաթգծի բանվոր-ծառայողների գործադուրը:

14 դեկտեմբերի — Ուզունլարում բոլշևիկների նախաձեռնությամբ հրավիրվում է Լոռվա «չեզոք գոտու» գյուղացիական ղեկուսատիների սովետի ա-

ռաջին նիստը, որը բանաձև է ընդունում կալվածատիրությունը վերացնելու և հողային կոմիտեներ ստեղծելու մասին:

1920

6 հունվարի — Ալեքսանդրապոլի երկաթուղային կայարանում տեղի է ունենում խոշոր գործադուլ:

7 հունվարի — Հայ ականավոր բանաստեղծ և պետական գործիչ Վահան Տերյանի մահը Օրենբուրգում:

19—20 հունվարի — Երևանում տեղի է ունենում Հայաստանի կոմունիստական կազմակերպությունների առաջին անլիգալ կոնֆերանսը:

20 հունվարի — Լույս է տեսնում «Լոռվա գյուղացիության ձայնը» բոլշևիկյան թերթը:

3 մարտի — Նոր Նախիջևանում լույս է տեսնում բոլշևիկյան «Բանվորի կոիլը» թերթը հայերեն:

29 մարտի — Մոսկվայում բացվում է ՌԿ(բ)Կ IX համագումարը:

19 ապրիլի — Երևանում լույս է տեսնում «Գյուղացու ձայն» շաբաթաթերթը:

23 ապրիլի — Ալեքսանդրապոլում տեղի է ունենում աշխատավորության հակահառավարական ցույց:

26 ապրիլի — Հայ գրող Վրթանես Փափազյանի մահը Երևանում:

28 ապրիլի — Սովետական կարգերի հաստատումը Ադրբեջանում:

1 մայիսի — Երևանում, Ալեքսանդրապոլում, Կարսում, Սարիղամիշում, Նոր Բայազետում և Հայաստանի այլ վայրերում կոմունիստների ղեկավարությամբ տեղի են ունենում հզոր ցույցեր՝ ուղղված դաշնակցական կառավարության դեմ:

5 մայիսի — Ընկնում է հատիսյանի կառավարությունը, կազմվում է արտակարգ լիազորություններով նոր կառավարություն Հ. Օհանջանյանի նախագահությամբ:

7 մայիսի — Ալեքսանդրապոլում տեղի է ունենում Ալեքսանդրապոլի, Կարսի, Սարիղամիշի, Քյալթառուի, Ղազախ-Շամշադինի բոլշևիկյան կազմակերպությունների խորհրդակցություն՝ Արմենկոմի ներկայացուցիչների մասնակցությամբ: Խորհրդակցությունը զինված ապստամբությունը ղեկավարելու համար կազմում է Հայաստանի ռազմա-հեղափոխական կոմիտե:

10 մայիսի — Ռազմա-հեղափոխական կոմիտեն, ինչպես Ալեքսանդրապոլում, այնպես էլ ամբողջ Հայաստանում հայտարարում է սովետական իշխանություն:

— Զինված ապստամբություն է բռնկվում Կարսում և Սարիղամիշում:

13 մայիսի — Զինված ապստամբություն է սկսվում Նոր Բայազետի գավառի Ղարանդուղ (այժմ Մարտունի) գյուղում:

14 մայիսի — Զինված ապստամբություն է սկսվում Շամշադինի շրջանում:

15 մայիսի — Զինված ապստամբություն է սկսվում Զանգեզուրի գավառում:

18 մայիսի — Բաքվում լույս է տեսնում «Կոմունիստ» օրաթերթը հայերեն:

20 մայիսի — Զինված ապստամբությունը հաղթանակում է Քարվանսարայում:

21 մայիսի — Դիլիջանում հաստատվում է սովետական իշխանություն:

31 մայիսի — Մոսկվայում սկսվում են դաշնակցության պատվիրակության բանակցությունները Սովետական Ռուսաստանի հետ:

Հունիս — ՌԿ(բ)Կ Հայաստանի կազմակերպությունները ձևավորվում են որպես Հայաստանի կոմունիստական (բոլշևիկների) կուսակցություն: Ստեղծվում է ՀԿ(բ)Կ Կենտկոմը և նրա արտասահմանյան բյուրոն:

10 օգոստոսի — Սևր քաղաքում (Փարիզի մոտ) դաշնակիցների և Թուրքիայի սովետական կառավարության միջև կնքվում է դաշնագիր, որի 6-րդ հատվածի 88—91 հոդվածները վերաբերում են Հայաստանին:

10 օգոստոսի — ՌՍՖՍՀ լիազոր-ներկայացուցիչ Բ. Լեզրանը Հայաստանի կառավարության ներկայացուցիչների հետ կնքում է համաձայնագիր:

14 օգոստոսի — Դաշնակցականները սպանում են հեղափոխական գործիչներ Ստ. Ալավերդյանին, Ս. Մուսայելյանին և Բ. Ղարիբջանյանին:

1 սեպտեմբերի — Բաքվում բացվում է Արևելքի ժողովուրդների առաջին համագումարը, որին մասնակցում են նաև Հայաստանի աշխատավորության ներկայացուցիչները:

10 սեպտեմբերի — Բաքվում տեղի է ունենում Հայաստանի կոմունիստական կազմակերպությունների կոնֆերանսը:

22 սեպտեմբերի — Սկսվում է Թուրքական բանակի հարձակումը Արևելյան Հայաստանի վրա: Թուրքերը սեպտեմբերի 29-ին գրավում են Սարիղամիշը, հոկտեմբերի 30-ին՝ Կարսը, նոյեմբերի 5-ին՝ Ալեքսանդրապոլը:

8 հոկտեմբերի — Հրապարակվում է ՀԿԿ Կենտկոմի կողմ դաշնակցական կառավարությունը տապալելու մասին:

11 հոկտեմբերի — Դաշնակցական կառավարության հետ բանակցություններ վարելու նպատակով Նրևան է ժամանում Սովետական Ռուսաստանի պատվիրակությունը Բ. Լեզրանի գլխավորությամբ:

4 նոյեմբերի — Բաքվում տեղի է ունենում ՌԿ(բ)Կ Կենտկոմի կովկասյան բյուրոյի և Ադրբեջանի Կ(բ)Կ Կենտկոմի միացյալ նիստ, մասնակցությամբ Հայաստանի Կ(բ)Կ Կենտկոմի և նրա արտասահմանյան բյուրոյի անդամների: Նիստը քննարկում է Հայաստանում ստեղծված դրության հարցը:

7 նոյեմբերի — Հայաստանի երկաթուղայինների գործադուլը:

— Ուլուխանլու կայարանում կուտակված զաղթականությունը կազմակերպում է հակակառավարական ցույց:

15—28 նոյեմբերի — Հեղափոխական ելույթներ են տեղի ունենում Շիրակի, Նոր Բայազետի, Դարալագյազի, Ախտալի, Ապարանի, էջմիածնի, Իջևանի, Դիլիջանի, Շամշադինի և Հայաստանի այլ շրջաններում:

24 նոյեմբերի — Ընկնում է դաշնակցական հին կառավարությունը և կազմավորվում է նոր կառավարություն Ս. Վրացյանի նախագահությամբ:

27 նոյեմբերի — ՌԿ(բ)Կ Կենտկոմի քաղբյուրոն Վ. Ի. Լենինի նախագահությամբ քննարկում է Հայաստանի և Վրաստանի նկատմամբ ունենալիք քաղաքականության հարցը:

* * *

29 նոյեմբերի — Հայաստանում հաստատվում է սովետական իշխանություն:

30 նոյեմբերի — ՀՍՍՀ Հեղկոմը Հայաստանի ասպետաբ բանվորների և գյուղացիների անունից հեռագիր է ուղարկում Վ. Ի. Լենինին Հայաստանում սովետական կարգեր հաստատվելու առթիվ:

2 դեկտեմբերի — Վ. Ի. Լենինը ռուսների հեռագիր է հղում Հայաստանի Ռազմա-հեղափոխական կոմիտեի նախագահ Ս. Կասյանին Հայաստանում սովետական կարգեր հաստատվելու առթիվ:

— Սկսվեց Հայաստանի կարմիր բանակի կազմակերպումը:

2 դեկտեմբերի — Դաշնակցական կառավարության պատվիրակությունը Ալեքսանդրապոլում թուրքական զավթիչների հետ կնքում է Հայաստանը անդամահատող և ստրկացնող ապօրինի պայմանագիր:

4 դեկտեմբերի — Երևան է ժամանում ՀՍՍՀ Հեղկոմը:

5 դեկտեմբերի — ՀՍՍՀ Հեղկոմի առաջին հրամանով ստեղծվում է ՀՍՍՀ Ռազմական գործերի ժողովրդական կոմիսարիատ:

— Երևանում լույս է տեսնում ՀԿԿ Կենտկոմի և Հայհեղկոմի օրգան «Կոմունիստ» հայերեն օրաթերթի առաջին համարը (1921 թվականի մայիսից վերանվանվում է «Նորհրդային Հայաստան»):

6 դեկտեմբերի — ՀՍՍՀ Հեղկոմի ղեկրեստով հանրապետության սահմաններում պետական լեզուն ճանաչվում է հայերենը:

10 դեկտեմբերի — ՀՍՍՀ Հեղկոմը ղեկրեստ է ընդունում բանկերի ազգայնացման մասին:

13 դեկտեմբերի — Վ. Ի. Լենինը ընդունում է ՀՍՍՀ Հեղկոմի անդամներ Ա. Մուսվյանին և Ս. Տեր-Գաբրիելյանին:

13 դեկտեմբերի — Սովետական Ռուսաստանի Ժողովրդական Վ. Ի. Լենինի նախագահությամբ որոշում է Սովետական Հայաստանին բաց թողնել 3 միլիարդ ռուբլի:

13 դեկտեմբերի — ՀՍՍՀ Ներքգործադրամատի հրամանը հին վարչական հիմնարկները և պաշտոնները վերացնելու մասին:

15 դեկտեմբերի — Թիֆլիսում լույս է տեսնում Վրաստանի կոմունիստական կուսակցության Կենտկոմի և 1921 թվականի մարտից նաև Վրաստանի Հեղկոմի օրգան «Կարմիր աստղ» օրաթերթի առաջին համարը (թերթը 1923 թվականին վերանվանվում է «Մարտակոչ», 1927 թվականին՝ «Պրոլետար», 1929 թվականին՝ «Նորհրդային Վրաստան», իսկ 1940 թվականից՝ «Սովետական Վրաստան»):

17 դեկտեմբերի — ՀՍՍՀ Հեղկոմի ղեկրեստով Հայաստանի բոլոր կուլտուր-կրթական հիմնարկները պետականացվում են:

— ՀՍՍՀ լուսավորության ժողովրդական կոմիսարիատի հրամանը Երևանում ժողովրդական համալսարան բացելու մասին:

18 դեկտեմբերի — ՀՍՍՀ Արդարադատության ժողովրդական կոմիսարիատի հրամանով լիկվիդացվում են հին դատարանները:

21 դեկտեմբերի — ՀՍՍՀ Հեղկոմի ղեկրեստով Սովետական Հայաստանի սահմաններում վերանում է «Ռուսական կայսրության հավաք օրինաց»-ը այն

փոփոխություններով, որ մտցրել էին ժամանակավոր կառավարությունը, անդրկովկասյան կոմիտեարիատն ու սեյմը, Հայաստանի դաշնակցական կառավարությունը:

25 դեկտեմբերի — Սովետական Հայաստանում կազմակերպվում է առաջին մասսայական շաբաթօրյակը:

— Դաշնակցականները կազմում են այսպես կոչված «Ինքնավար Սյունիքի կառավարություն» (1921 թվականի ապրիլի 26-ին այն վերակազմվում է և անվանվում: «Լեռնահայաստանի կառավարություն»):

28 դեկտեմբերի — ՀՍՍՀ Հեղկոմը ընդունում է դեկրետ հողերի ազգայնացման մասին:

1921

10 հունվարի — ՀՍՍՀ Հեղկոմը ընդունում է դեկրետ անտառների ազգայնացման մասին:

11 հունվարի — ՀՍՍՀ Հեղկոմը ընդունում է դեկրետ Հայաստանի բոլոր գյուղացիական հանաժոները, հանքային ջրերը, լճերը ազգայնացնելու մասին:

21 հունվարի — ՀՍՍՀ Հեղկոմը ընդունում է դեկրետ ՀՍՍՀ ժողովրդական տնտեսության խորհուրդ՝ Ժողտնտխորհ կազմակերպելու մասին:

23 հունվարի — Տեղի է ունենում Երևանի ժողովրդական համալսարանի հանդիսավոր բացումը (1923 թվականից՝ պետական համալսարան):

5 փետրվարի — ՀՍՍՀ Հեղկոմը ընդունում է դեկրետ էջմիածնի մատենադարանի և Թանգարանի բազայի վրա Հայաստանի կուլտուր-պատմական գիտական ինստիտուտ հիմնելու մասին:

12 փետրվարի — Սկսվում է Վրաստանի մենշևիկյան կառավարության դեմ Լոռու նախկին «Էնգոթ գոտու» աշխատավորության ապստամբությունը, որը փետրվարի 16-ին ավարտվում է լիակատար հաղթանակով:

13 փետրվարի — Դաշնակցականների հակահեղափոխական խռովության սկիզբը:

25 փետրվարի — Սովետական կարգերի հաստատումը Վրաստանում:

26 փետրվարի — Դաշնակցականների հակահեղափոխական խռովության դեմ կռվելու նպատակով Դիլիջանում ստեղծվում է Դիլիջանի և Ղարաբաղի շրջանների ռազմա-հեղափոխական կոմիտե Գ. Աթաբեկյանի նախագահությամբ:

8 մարտի — Մոսկվայում բացվում է ՌԿ(Բ)Կ X համագումարը:

16 մարտի — Սովետա-թուրքական պայմանագրի կնքումը Մոսկվայում:

2 ապրիլի — Երևանի ազատագրումը դաշնակցական խռովարարներից:

3 ապրիլի — ՀՍՍՀ Հեղկոմի հրամանը «Հայրենիքի փրկության կոմիտեի» տապալման, նրա անդամների ձերբակալման և ամբողջ հանրապետության մեջ սովետական իշխանությունը վերականգնելու մասին:

14 ապրիլի — Վ. Ի. Լենինի պատմական նամակը Ադրբեջանի, Վրաստանի, Հայաստանի, Դաղստանի և Լեռնականների հանրապետության կոմունիստներին:

22 ապրիլի — Ալեքսանդրապոլի ազատագրումը թուրքական զավթիչներից:

28 ապրիլի — Սովետական Ռուսաստանի կառավարությունը 1,5 միլիոն ռուբլի (ոսկով) վարկ է բաց թողնում Սովետական Հայաստանին:

21 մայիսի — ՀՍՍՀ Հեղկոմը վերակազմվում է ՀՍՍՀ Ժողկոմսովետի Ալ-Մյասնիկյանի նախագահությամբ:

24 հունիսի — ՀՍՍՀ Ժողկոմսովետի դեկրետը պարենմասնատրումը պարենհարկով փոխարինելու մասին:

26 հունիսի — Կարմիր բանակի զորամասերը լիովին ազատագրելով Դա-րալագյազը, մտնում են Զանգեզուր:

30 հունիսի — Կարմիր բանակի զորամասերը ազատագրում են Սիսիանը: Հունիս — Ստեղծվում են առաջին սովխոզները Հայաստանում:

2 հուլիսի — Կարմիր բանակի զորամասերը ազատագրում են Գորիսը:

7 հուլիսի — Կարմիր բանակի զորամասերը ազատագրում են Ղափանը:

13 հուլիսի — Կարմիր բանակի զորամասերը մտնում են Մեղրի: Զանգե-զուրը միացվում է Սովետական Հայաստանին:

21 օգոստոսի — Երևանում բացվում է Հայաստանի կոմերիտմիության առաջին համագումարը (երկրորդը՝ 1922 թ., երրորդը՝ 1923 թ., չորրորդը՝ 1926 թ., հինգերորդը՝ 1928 թ., վեցերորդը՝ 1929 թ., յոթերորդը՝ 1932 թ., ութե-րորդը՝ 1932 թ., իններորդը՝ 1936 թ., տասներորդը՝ 1937 թ., տասնմեկերորդը՝ 1939 թ., տասներկուերորդը՝ 1940 թ.վականին):

22 օգոստոսի — Հայաստանի արհեստակցական միությունների առաջին համագումարի բացումը Երևանում (երկրորդ համագումարը տեղի է ունեցել 1922 թ., երրորդը՝ 1924 թ., չորրորդը՝ 1926 թ., հինգերորդը՝ 1928 թ. հունվա-րին, վեցերորդը՝ 1928 թ. նոյեմբերին, յոթերորդը՝ 1932 թ.վականին):

21 սեպտեմբերի — ՀՍՍՀ Հեղկոմը ընդունում է դեկրետ Հայաստանում անգրագիտությունը վերացնելու մասին:

29 սեպտեմբերի — ՌՍՖՍՀ Կենտգործկոմը դեկրետ է ընդունում նախկին Հազարյան ճեմարանը «Սովետական Հայաստանի կուլտուրայի տուն վերան-վանելու և նրա բոլոր նյութական ու կուլտուրական արժեքները Սովետական Հայաստանի կառավարության տրամադրության տակ դնելու մասին»:

30 սեպտեմբերի — ՌՍՖՍՀ-ի և Սովետական Հայաստանի միջև կնքվում է ֆինանսա-տնտեսական համաձայնագիր:

13 հոկտեմբերի — Մի կողմից Հայաստանի, Ադրբեջանի ու Վրաստանի, իսկ մյուս կողմից Թուրքիայի միջև կնքվում է Կարսի պայմանագիրը:

1 դեկտեմբերի — Հայաստանում սկսվում են գյուղական, գավառական և գավառային սովետների առաջին ընտրությունները:

— Երևանում ադրբեջաներեն լույս է տեսնում ՀԿ(բ)Կ Կենտկոմի օրգան «Ռանչպար» թերթի առաջին համարը: Հետագայում վերանվանվում է «Հանգի», ապա «Կիզիլ Շաֆակ», «Կոմունիստ», «Սովետ էրմենիստանի»:

Դեկտեմբեր — Սկսվում է արտասահմանից հայերի հայրենադարձությունը Սովետական Հայաստան:

1 9 2 2

1 հունվարի — Տեղի է ունենում Երևանի քաղսովետի հանդիսավոր բա-ցումը:

26 հունվարի — Բացվում է ՀԿ(Բ)Կ առաջին համագումարը:

26 հունվարի — Երևանում բացվում է առաջին պետական դրամատիկ թատրոնը (1937 թվականից՝ Գ. Սունդուկյանի անվան):

30 հունվարի — Երևանում բացվում է ՀՍՍՀ բանվորների, գյուղացիների և կարմիր բանակայինների պատգամավորական սովետների առաջին համագումարը:

4 հունվարի — ՀՍՍՀ սովետների առաջին համագումարը հաստատում է ՀՍՍՀ առաջին սահմանադրությունը:

19 փետրվարի — Թիֆլիսում բացվում է Անդրկովկասյան կոմունիստական կազմակերպությունների առաջին համագումարը:

4 մարտի — ՀՍՍՀ Ժողկոմսովետը ընդունում է դեկրետ ուղղագրության ռեֆորմի մասին:

12 մարտի — Թիֆլիսում տեղի է ունենում Հայաստանի, Վրաստանի և Ադրբեյջանի կենտրոնական կոմիտեների լիազոր-կոնֆերենցիան, որը հիմք է դնում Անդրկովկասյան Ֆեդերացիային:

24 մարտի — Բացվում է ՀՍՍՀ պետական բանկը:

27 մարտի — Բացվում է ՌԿ(Բ)Կ XI համագումարը:

9 ապրիլի — Երևանում բացվում է Անդրկովկասի արևմտահայ աշխատավորների համագումարը:

2 հունիսի — Երևանում լույս է տեսնում «Մաճկալ» գյուղացիական օրաթերթի առաջին համարը:

13 հուլիսի — Ականավոր հեղափոխական գործիչ Կամոյի (Սիմոն Տեր-Պետրոսյան) ողբերգական մահը Թիֆլիսում:

20 հուլիսի — Թիֆլիսում լույս է տեսնում ՌԿ(Բ)Կ Անդրերկրկոմի օրգան «Զարյա Վոստոկա» օրաթերթի առաջին համարը:

28 հոկտեմբերի — ՌՍՖՍՀ Աշխատանքի և պաշտպանության սովետը Վ. Ի. Լենինի նախագահությամբ քննում է Սովետական Հայաստանին ֆինանսական օգնություն ցույց տալու հարցը և որոշում Հայաստանին բաց թողնել 1,5 միլիոն ռուբլի (ոսկով)՝ գյուղատնտեսական գործիքներ, մեքենաներ և անասուններ ձեռք բերելու համար:

7 նոյեմբերի — Երևանի համալսարանի մանկավարժական ֆակուլտետի բաղադրյալ վրա բացվում է ՀՍՍՀ լուսժողկոմատի մանկավարժական ինստիտուտը, որը 1924/25 ուստարում կրկին միանում է պետական համալսարանին:

7 նոյեմբերի — Երևանում բացվում է պետական հանրային գրադարանը (1925 թվականից՝ Ա. Մյասնիկյանի անվան):

7 նոյեմբերի — Երևանում բացվում է պետական թանգարան՝ հնագիտական, ազգագրական, պատմական, գեղարվեստական, հեղափոխական և արխիվային բաժիններով:

16 նոյեմբերի — Երևանում բացվում է I գյուղատնտեսական համագումարը:

29 նոյեմբերի — Տեղի է ունենում Էջմիածնի Լենինի անվան ջրանցքի հանդիսավոր բացումը:

29 նոյեմբերի — Երևանում բացվում է ՀՍՍՀ սովետների II համագումարը:

10 դեկտեմբերի — Բացվում է Անդրկովկասյան սովետների I հա-

մագումարը, որը որոշում է ԱՍՍՖՀՄ-ն վերակազմել ԱՍՖՍՀ-ի (երկրորդ համագումարը տեղի է ունեցել 1924 թ., երրորդը՝ 1925 թ., չորրորդը՝ 1927 թ., հինգերորդը՝ 1929 թ., վեցերորդը՝ 1931 թ., յոթերորդը՝ 1935 թ.):

30 դեկտեմբերի — Մոսկվայում բացվում է Սովետների համամիութենական I համագումարը, որը կազմում է Սովետական Սոցիալիստական Հանրապետությունների Միությունը՝ ՍՄՀՄ-ը:

1 9 2 3

29 հունվարի — Տեղի է ունենում Երևանի առաջին բանֆակի հանդիսավոր բացումը:

13 մարտի — Երևանում բացվում է ՀԿ(բ)Կ II համագումարը:

20 մարտի — Թիֆլիսում բացվում է Անդրկովկասյան կոմունիստական կազմակերպությունների II համագումարը:

23 մարտի — Հայ ականավոր գրող Հովհաննես Թումանյանի մահը Մոսկվայում:

16 ապրիլի — ՀՍՍՀ Ժողկոմսովետը որոշում է Սովետական Հայաստանի պետկինո (հետագայում Հայկինո) ստեղծելու մասին:

17 ապրիլի — Մոսկվայում բացվում է ՌԿ(բ)Կ XII համագումարը:

5 մայիսի — Լույս է տեսնում ՀԿԵՄ Կենտկոմի օրգան «Ավանգարդ» թերթի առաջին համարը:

19 մայիսի — Թիֆլիսում հիմնադրվում է 26 կոմիսարների անվան անդրկովկասյան կոմունիստական համալսարանը:

20 մայիսի — Երևանում բացվում է Շահումյանի անվան ջրանցքը:

2 հուլիսի — ՀՍՍՀ Կենտգործկոմը որոշում է ընդունում Աշխատանքի կարմիր դրոշի շքանշան սահմանելու մասին:

Հուլիս — ՀԿ(բ)Կ Կենտկոմին կից ստեղծվում է ՀԿ(բ)Կ պատմության բյուրո՝ Կուսպատը:

9 սեպտեմբերի — Մոսկվայում բացվում է Համամիութենական գյուղատնտեսական ցուցահանդեսի հայկական տաղավարը:

20 նոյեմբերի — Երևանում բացվում է նախկին շարքային դաշնակցականների համահայաստանյան ինքնալիկվիդացիոն համագումարը:

1 դեկտեմբերի — Երևանում բացվում է Հայաստանի պետական կոնսերվատորիան:

4 դեկտեմբերի — Երևանում բացվում է ՀՍՍՀ սովետների III համագումարը:

1 9 2 4

21 հունվարի — Վ. Ի. Լենինի մահը:

26 հունվարի — Մոսկվայում բացվում է ՍՄՀՄ սովետների II համագումարը, որը հունվարի 31-ին հաստատում է ՍՄՀՄ սահմանադրությունը:

27 հունվարի — Երևանի բազմահազար աշխատավորների սգո միտինգում հրապարակվում է ՀՍՍՀ կառավարության որոշումը Երևանի քաղաքային այգու մոտ կառուցվող հրապարակը Լենինի հրապարակ կոչելու մասին:

26 փետրվարի — ՍՍՀՄ Կենտրոնականի որոշմամբ Ալեքսանդրապոլ քաղաքը վերանվանվում է Լենինական:

15 մարտի — Գործարկվում է Երևանի բամբակազտիչ գործարանը:

5 մայիսի — Երևանում բացվում է ՀԿ(բ)Կ III համագումարը:

13 մայիսի — Թիֆլիսում բացվում է Անդրկովկասի կոմունիստական կազմակերպությունների III համագումարը:

23 մայիսի — Մոսկվայում բացվում է ՌԿ(բ)Կ XIII համագումարը:

30 օգոստոսի — Կազմակերպվում է Հայաստանի գյուղատնտեսական կոոպերացիան՝ Հայգյուղկոոպը:

22 հոկտեմբերի — Երևան է ժամանում նշանավոր կոմպոզիտոր Ալեքսանդր Սպենդիարյանը:

2 նոյեմբերի — Հրապարակվում է Երթաղսովետի որոշումը Ա. Թամանյանի կազմած Երևանի նոր հատակագիծը հաստատելու մասին:

7 նոյեմբերի — Շարք է մտնում Ղափանի պղնձաձուլարանը:

1 9 2 5

12 մարտի — Երևանում բացվում է ՀՍՍՀ սովետների IV համագումարը:

22 մարտի — Կոմունիստական կուսակցության Անդրերկրկոմի քարտուղար, Անդրժողկոմսովետի նախագահի տեղակալ Ալ. Մյասնիկյանի, Անդրկովկասի արտակարգ հանձնաժողովի (Չեկա) նախագահ Ս. Մոգիլևսկու և ՍՍՀՄ փոստ-հեռագրական ժողկոմի ԱՍՖՍՀ լիազոր Գ. Աթարբեկյանի ողբերգական մահը:

27 ապրիլի — Տեղի է ունենում ՀՍՍՀ գիտության և արվեստի ինստիտուտի բացումը Երևանում:

13 մայիսի — Մոսկվայում բացվում է ՍՍՀՄ սովետների III համագումարը:

18 հունիսի — Երևան է ժամանում Ազգերի լիգային կից Աշխատանքի միջազգային բյուրոյի հանձնաժողովը նշանավոր գիտնական Ֆ. Նանսենի ղեկավարությամբ:

21 հունիսի — Տեղի է ունենում Շիրակի ջրանցքի հանգիսավոր բացումը:

4 հոկտեմբերի — Ականավոր նկարիչ Գևորգ Բաշինջաղյանի մահը:

4 նոյեմբերի — Երևանում բացվում է Հայաստանի պրոլետարական գրողների ասոցիացիայի առաջին համագումարը:

30 նոյեմբերի — Երևանում բացվում է ՀԿ(բ)Կ IV համագումարը:

5 դեկտեմբերի — Թիֆլիսում բացվում է Անդրկովկասի կոմունիստական կազմակերպությունների IV համագումարը:

18 դեկտեմբերի — Մոսկվայում բացվում է ՀամԿ(բ)Կ XIV համագումարը:

1 9 2 6

20 ապրիլի — Երևանում բացվում է եզդիների համահայաստանյան համագումարը:

16 մայիսի — Տեղի է ունենում Երևանի առաջին հիդրոէլեկտրակայանի հանդիսավոր բացումը, ուր ճառով հանդես են գալիս Գ. Օրշոնիկիձեն, Աղա-մալի-Օղլին, Շ. էլիավան և ուրիշներ:

29 հուլիսի — Կազմակերպվում է Հայտնարկողը:

26 օգոստոսի — Բացվում է Արզնի առողջարանը:

9 հոկտեմբերի — Արտասահմանից Երևան է վերադառնում անվանի բա-նաստեղծ Ավ. Իսահակյանը:

22 հոկտեմբերի — Լենինականում տեղի է ունենում ուժեղ երկրաշարժ:

29 նոյեմբերի — Տեղի է ունենում Երևանի ձեթ-օճառի և փայտամշակման գործարանների հանդիսավոր բացումը:

1927

20 մարտի — Երևանում բացվում է ՀՍՍՀ սովետների V համագումարը:

3 ապրիլի — Շահագործման է հանձնվում Երևանի կարբիդի գործարանը:

15 ապրիլի — Մոսկվայում բացվում է ՍՍՀՄ սովետների IV համագու-մարը:

29 հունիսի — Հայաստան է ժամանում ՍՍՀՄ Կենտգործկոմի նախագահ Մ. Ի. Կալինինը:

24 հուլիսի — Տեղի է ունենում Զորագետի հանդիսավոր հիմնադրումը:

20 հոկտեմբերի — Սովետական Հայաստան է ժամանում Ֆրանսիացի նշա-նավոր գրող Հանրի Բարբյուսը:

13 նոյեմբերի — Բացվում է ՀԿ(բ)Կ V համագումարը:

21 նոյեմբերի — Թիֆլիսում բացվում է Անդրկովկասի կոմունիստական կազմակերպությունների V համագումարը:

24 նոյեմբերի — Բանաստեղծուհի Շուշանիկ Կուրդինյանի մահը Երևանում:

2 դեկտեմբերի — Մոսկվայում բացվում է ՀամԿ(բ)Կ XV համագումարը:

1928

7 մայիսի — ՀՍՍՀ ժողովրդական արտիստ, ականավոր կոմպոզիտոր Ալեքսանդր Սպենդիարյանի մահը Երևանում:

25 հուլիսի — Սովետական Հայաստան է ժամանում պրոլետարական մեծ գրող Մաքսիմ Գորկին:

6 հոկտեմբերի — Տեղի է ունենում Երևանի բանվորական համալսարանի հանդիսավոր բացումը:

1 նոյեմբերի — Լենինականում բացվում է Հայաստանի պետական երկ-քորդ դրամատիկ թատրոնը:

8 նոյեմբերի — Երևանում տեղի է ունենում Անդրկովկասի անասնաբու-ժական ինստիտուտի հանդիսավոր բացումը:

17 նոյեմբերի — Երևանում բացվում է Հայաստանի կոլտնտեսությունների առաջին համագումարը:

29 նոյեմբերի — Տեղի է ունենում Լենինականի Մայիսյան ապստամբության անվան տեքստիլ գործարանի և հիդրոէլեկտրակայանի հանդիսավոր բացումը:

1929

20 հունվարի — Բացվում է ՀԿ(բ)Կ VI համագումարը:

25 մարտի — ՀՍՍՀ լուսավորության ժողովրդական կոմիսարիատը հաստատում է քրդական այրուբներ:

7 ապրիլի — Բացվում է ՀՍՍՀ սովետների VI համագումարը, որտեղ հաստատվում է ՀՍՍՀ ժողովրդական տնտեսության զարգացման առաջին հինգամյա պլանը:

20 մայիսի — Մոսկվայում բացվում է ՍՍՀՄ սովետների V համագումարը, որը հաստատում է ՍՍՀՄ ժողովրդական տնտեսության առաջին հինգամյա պլանը:

15 սեպտեմբերի — Երևանում բացվում է «Կորչի անգրագիտությունը» ընկերության հանրապետական առաջին համագումարը:

29 սեպտեմբերի — Բանաստեղծ Հովհաննես Հովհաննիսյանի մահը Երևանում:

23 հոկտեմբերի — ՀՍՍՀ Ժողկոմսովետի նախագահի տեղակալ և լուսժողկոմ Ասբանազ Մուսվյանի մահը Երևանում:

29 նոյեմբերի — Բացվում է Երևանի պատանի հանդիսատեսի թատրոնը:

29 նոյեմբերի — Տեղի է ունենում Լենինական-Արթիկ երկաթգծի հանդիսավոր բացումը:

Դեկտեմբեր — Սկսում է գործել Քանաքեռի նոր ռադիոկայանը:

1930

1 մարտի — Սկսում է աշխատել Սարգարապատի մեքենատրակտորային կայանը՝ առաջինը Սովետական Հայաստանում:

16 մարտի — Վառլամ Ավանեսովի մահը Դիլիջանում:

2 մայիսի — Տեղի է ունենում Քանաքեռգէսի հանդիսավոր հիմնադրումը:

24 մայիսի — Երևանում բացվում է ՀԿ(բ)Կ VII համագումարը:

5 հունիսի — Թիֆլիսում բացվում է Անդրկովկասի կոմունիստական կազմակերպությունների VI համագումարը:

26 հունիսի — Մոսկվայում բացվում է ՀամԿ(բ)Կ XVI համագումարը:

25 հուլիսի — ՀամԿ(բ)Կ Կենտկոմը որոշում է ընդունում ընդհանուր պարտադիր տարրական ուսուցում մտցնելու մասին:

5 օգոստոսի — ՀՍՍՀ Կենտգործկոմը և Ժողկոմսովետը որոշում են ընդունում ՀՍՍՀ գավառները վերացնելու մասին:

25 սեպտեմբերի — Երևանում լույս է տեսնում քրդական «Ռեա թաղա» թերթի առաջին համարը:

1 նոյեմբերի — ՀՍՍՀ Ժողկոմսովետը որոշում է ընդունում ՀՍՍՀ գիտության և արվեստի ինստիտուտը վերակառուցելու և այն գիտությունների ինստիտուտ վերանվանելու մասին:

21 նոյեմբերի — Երևանում տեղի է ունենում կուսակցական ակտիվի հան-
րապետական նիստ, որտեղ Ս. Մ. Կիրովը զեկուցում է ներկուսակցական դրու-
թյան մասին:

29 նոյեմբերի — Տեղի է ունենում Փոքր Սարգարապատի ջրանցքի բացումը:

29 դեկտեմբերի — Շահագործման են հանձնվում Երևանի պահածոների և
մարմարի գործարանները:

1 9 3 1

8 հունվարի — Երևանում բացվում է աշխարհում միակ քրդական մանկա-
վարժական տեխնիկումը:

14 փետրվարի — Երևանում բացվում է ՀՍՍՀ սովետների VII համագու-
մարը:

24 փետրվարի — Երվանդ Լալայանի մահը Երևանում:

8 մարտի — Մոսկվայում բացվում է ՍՍՀՄ սովետների VI համագումարը:

29 նոյեմբերի — Տեղի է ունենում Մեղրու շրջանի Կարճևանի ջրանցքի
հանդիսավոր բացումը:

1 9 3 2

3 հունվարի — Երևանում տեղի է ունենում Մարքսիզմ-լենինիզմի ինստի-
տուտի հանդիսավոր բացումը:

17 հունվարի — Բացվում է ՀԿ(բ)Կ VIII համագումարը:

23 հունվարի — Երևանում տեղի է ունենում Հայաստանի կոմունիստական
համալսարանի հանդիսավոր բացումը:

23 փետրվարի — Երևանում լույս է տեսնում Հայաստանի սովետական
գրողների ֆեդերացիայի օրգան «Գրական թերթ»-ի առաջին համարը:

9 ապրիլի — Կազմակերպվում են Հայաստանի սովետական գրողների
միությունը, Սովետական Հայաստանի երաժիշտների միությունը, սովետա-
կան նկարիչների ու կերպարվեստի աշխատողների միությունը և սովետական
ճարտարապետների միությունը:

13 ապրիլի — ՀՍՍՀ Կենտգործկոմի որոշմամբ վերակառուցվում է ՀՍՍՀ
Ժողտնտխորհը, որի բաղադրյալ վրա ստեղծվում են ՀՍՍՀ ծանր արդյունաբերու-
թյան, թեթև արդյունաբերության ժողովրդական կոմիսարիատներ ու ՍՍՀՄ ան-
տառային արդյունաբերության ժողկոմատի Հայաստանի լիազորություն:

10 հունիսի — Հայ տաղանդավոր դերասանուհի Սիրանուշի (Մերովբե
Քանթարջյանի) մահը Կահիրեում:

26 հունիսի — Տեղի է ունենում Երևանի Ստալինի անվան ջրանցքի առաջին
հերթի հանդիսավոր բացումը:

5 նոյեմբերի — Տեղի է ունենում Երևանի երկրորդ հիդրոկայանի հանդի-
սավոր բացումը:

- 7 նոյեմբերի — Տեղի է ունենում Մինչևան-Ղափան երկաթուղու բացումը:
 14 նոյեմբերի — Ականավոր պատմաբան Լեոյի (Առաքել Բաբախանյանի) մահը Երևանում:
 15 նոյեմբերի — Տեղի է ունենում Ձորագէսի հանդիսավոր բացումը:

1 9 3 3

- 12 հունվարի — Գործարկվում է Երևանի տրամվայը:
 20 հունվարի — Տեղի է ունենում ՀՍՍՀ պետական օպերայի հանդիսավոր բացումը (այժմ՝ Ալ. Սպենդիարյանի անվան Լենինի շքանշանակիր օպերայի և բալետի պետական ակադեմիական թատրոն):
 Հունվար — Շահագործման է հանձնվում Երևանի ծխախոտի նոր ֆաբրիկան:
 3 հունիսի — ՀՍՍՀ Կենտգործկոմի նախագահությունը որոշում է ընդունում պետական հուշարձանների պահպանության կոմիտե հիմնելու մասին:
 14 հունիսի — Երևանում բացվում է հարվածային կոլտնտեսականների հանրապետական համագումարը:
 13 հուլիսի — Հայ նշանավոր գրող Նար-Դոսի (Միքայել Հովհաննիսյանի) մահը Թիֆլիսում:
 3 հոկտեմբերի — Երևանում բացվում է բուսաբանության գիտա-հետազոտական ինստիտուտը:
 29 նոյեմբերի — Տեղի է ունենում Կիրովականի քիմիական կոմբինատի և Դավալուի ցեմենտի գործարանի բացումը:
 30 նոյեմբերի — Լրիվ կարողությամբ շարք է մտնում Ձորագէսը:

1 9 3 4

- 10 հունվարի — Երևանում բացվում է ՀԿ(բ)Կ IX համագումարը:
 15 հունվարի — Թիֆլիսում բացվում է Անդրկովկասի կոմունիստական կազմակերպությունների VII համագումարը:
 27 հունվարի — Բացվում է ՀամԿ(բ)Կ XVII համագումարը:
 1 մարտի — Հայ ճարտարապետության պատմության նշանավոր հետազոտող Թորոս Թորամանյանի մահը Երևանում:
 12 հուլիսի — Լույս է տեսնում ՀԿ(բ)Կ Կենտկոմի, Երբաղկոմի և ՀՍՍՀ Կենտգործկոմի օրգան «Коммунист» թերթի առաջին համարը:
 1 օգոստոսի — Բացվում է Հայաստանի սովետական գրողների առաջին համագումարը:
 6 սեպտեմբերի — Տեղի է ունենում Ղափանի հարստացուցիչ ֆաբրիկայի հանդիսավոր բացումը:
 14 սեպտեմբերի — ՀՍՍՀ Կենտգործկոմի նախագահության և Ժողկոմ-սովետի որոշմամբ կազմակերպվում է ՀՍՍՀ ներքին առևտրի ժողովրդական կոմիսարիատ:
 5 նոյեմբերի — Բացվում է Լենինականի մանկավարժական ինստիտուտը:

29 նոյեմբերի — Տեղի է ունենում Երևան-Քանաքեռ երկաթգծի հանդիսավոր բացումը:

1 9 3 5

10 հունվարի — Երևանում բացվում է ՀՍՍՀ սովետների VIII համագումարը:

28 հունվարի — Մոսկվայում բացվում է ՍՍՀՄ սովետների VII համագումարը:

10 փետրվարի — Տեղի է ունենում Երևանի խորմալիկի գործարանի հանդիսավոր բացումը:

30 մարտի — Ականավոր երգահան Ռոմանոս Մելիքյանի մահը Թիֆլիսում:

1 ապրիլի — Երևանում բացվում է ռուսական մանկավարժական երկամյա ինստիտուտը:

Մայիս — էկրան է բարձրանում «Պեպո» առաջին հայկական հնչուն կինոնկարը:

11 հունիսի — Ստեղծվում է ՀՍՍՀ լուսժողովմատին կից պատմության ու գրականության ինստիտուտը:

19 հունիսի — Երևանում բացվում է ՀՍՍՀ պետական պատմական թանգարանը:

14 հուլիսի — Տեղի է ունենում ՍՍՀՄ գիտությունների ակադեմիայի հայկական ֆիլիալի (Արմֆանի) հանդիսավոր բացումը:

5 օգոստոսի — Գործարկվում է Լենինականի մսի կոմբինատը:

7 օգոստոսի — Հայ նշանավոր գրող Ալ. Շիրվանզադեի մահը Կիսլովոդսկում:

22 նոյեմբերի — Փարիզում վախճանվում է հայ ականավոր երգահան Կոմիտասը:

17 նոյեմբերի — Մոսկվայում բացվում է ստախանովականների համամիութենական առաջին համագումարը:

29 նոյեմբերի — Երևան է ժամանում ՍՍՀՄ Կենտգործկոմի նախագահ Մ. Ի. Կալինինը:

1 9 3 6

21 փետրվարի — Անվանի ճարտարապետ Ալեքսանդր Թամանյանի մահը Երևանում:

1 հուլիսի — ՀՍՍՀ ժողովրդական արտիստ Հովհաննես Աբելյանի մահը Երևանում:

9 հուլիսի — ՀԿ(Բ)Կ Կենտկոմի առաջին քարտուղար Աղասի Խանջյանի մահը Թիֆլիսում:

16 հուլիսի — Շահագործման է հանձնվում Երևանի կարբիդի գործարանը:

19 նոյեմբերի — Բացվում է ՀՍՍՀ սովետների IX արտակարգ համագումարը:

5 դեկտեմբերի — ՍՍՀՄ սովետների VIII արտակարգ համագումարը հաստատում է ՍՍՀՄ նոր սահմանադրությունը: Հայկական ՍՍՀ-ը դառնում է միութենական հանրապետություն:

— Շարք է մտնում Քանաքեռգետը:

1 9 3 7

23 մարտի — ՀՍՍՀ սովետների IX արտակարգ համագումարը հաստատում է Հայկական ՍՍՀ նոր սահմանադրությունը:

24 ապրիլի — Հրապարակվում է ՀամԿ(բ) Կենտկոմի որոշումը ՀամԿ(բ) Կենտկոմի կողմից վերացնելու մասին:

26 մայիսի — Բացվում է ՀԿ(բ) X համագումարը:

13 նոյեմբերի — Ժողովրդական բանաստեղծ Հակոբ Հակոբյանի մահը Թիֆլիսում:

15 նոյեմբերի — Տեղի է ունենում Ստանիսլավսկու անվան ռուսական պետական դրամատիկական թատրոնի հանդիսավոր բացումը Երևանում:

12 դեկտեմբերի — Տեղի են ունենում ՍՍՀՄ առաջին գումարման Գերագույն սովետի ընտրությունները:

1 9 3 8

2 հունիսի — Բացվում է ՀԿ(բ) XI համագումարը:

12 հունիսի — Տեղի են ունենում Հայկական ՍՍՀ առաջին գումարման Գերագույն սովետի ընտրությունները:

12 հունիսի — Բացվում է ՀՍՍՀ առաջին գումարման Գերագույն սովետի առաջին սեսիան:

1 9 3 9

26 փետրվարի — Բացվում է ՀԿ(բ) XII համագումարը:

10 մարտի — Բացվում է ՀամԿ(բ) XVIII համագումարը:

20 հունիսի — Կազմակերպվում են ՀՍՍՀ ավտոմոբիլային տրանսպորտի, մսի և կաթի արդյունաբերության ժողովրդական կոմիսարիատները:

15 սեպտեմբերի — Սկսվեց «Սասունցի Դավիթ» էպոսի 1000-ամյակի տոնակատարությունը:

20 հոկտեմբերի — Մոսկվայում բացվում է Հայկական արվեստի տասնօրյակը:

1 9 4 0

11 մարտի — Բացվում է ՀԿ(բ) XIII համագումարը:

Մարտ — Շահագործման է հանձնվում Երևանի Ս. Մ. Կիրովի անվան սինթետիկ կաուչուկի գործարանը:

6 հոկտեմբերի — Բացվում է Երևանի բուսաբանական այգին:

24 նոյեմբերի — Տեղի է ունենում Վ. Ի. Լենինի հուշարձանի հանդիսավոր բացումը Երևանի Լենինի հրապարակում:

24 նոյեմբերի — Հիմնադրվում է Երևանի կենդանաբանական այգին:

1 9 4 1

30 ապրիլի — ՀՍՍՀ ժողովրդական նկարիչ Փանոս Թերլեմեզյանի մահը Երևանում:

- 10 մայիսի — Մոսկվայում սկսվում է հայ գրականության տասնօրյակը։
- 25 մայիսի — Տեղի է ունենում Մոսկվայի համամիութենական գյուղատնտեսական ցուցահանդեսի հայկական տաղավարի հանդիսավոր բացումը։
- 22 հունիսի — Սովետական Միության Հայրենական մեծ պատերազմի սկիզբը։